

მემორანდუმი ურთიერთთანამშრომლობის შესახებ

ქ. ფოთი

04 მარტი 2021 წელი

ურთიერთთანამშრომლობის მხარეები

ერთის მხრივ, სსიპ კოლეჯი „ფაზისი“ (შემდგომში - კოლეჯი) წარმოდგენილი დირექტორის ნინო ბაკურაძის სახით და მეორეს მხრივ, ქალაქ ფოთის მუნიციპალიტეტის მერია წარმოდგენილი მერის გოჩა კურდღელიას სახით, კეთილი ნების თავისუფალი გამოვლენის საფუძველზე, გამოვთქვამთ მზადყოფნას ამ მემორანდუმის ფარგლებში ურთიერთთანამშრომლობის თაობაზე.

მუხლი 1. ურთიერთთანამშრომლობის საგანი

საერთო ინტერესებიდან გამომდინარე, როგორიცაა: პიროვნების პროფესიული პოტენციალის რეალიზება, მისი დარგობრივი კომპეტენციების ფორმირების ხელშეწყობა, სამუშაო ძალის უნარების განვითარება, რომელიც სტიმულს აძლევს შრომის ბაზარს, მხარეები თანხმდებიან, რომ წინამდებარე მემორანდუმის ფარგლებში - ქალაქ ფოთის მუნიციპალიტეტის მერია ხელს შეუწყობს კოლეჯის პროფესიული საგანმანათლებლო პროგრამის „სკოლამდელი აღზრდა“ პროფესიული სტუდენტებისათვის აღნიშნული პროგრამით გათვალისწინებული მოდულების შესრულებას სააღმზრდელო დაწესებულებებში და მათთვის მომავალი პროფესიის რეალურ გარემოში აღქმას.

მუხლი 2. მხარეთა უფლება - მოვალეობანი

2. 1. ქალაქ ფოთის მუნიციპალიტეტის მერია უზრუნველყოფს:

- ა) პროფესიულ საგანმანათლებლო პროგრამაზე: „სკოლამდელი აღზრდა“ – 20 (ოცი) პროფესიული სტუდენტის მიღებას, კოლეჯის მიერ წინასწარ შეთანხმებული ვადით;
- ბ) პროფესიულ საგანმანათლებლო პროგრამაზე: „სკოლამდელი აღზრდა“ ჩარიცხული პროფესიული სტუდენტების ხელშეწყობას, რათა ისინი გაეცნონ რეალურ გარემოს და გამოსცადონ აკადემიურ გარემოში შეძენილი კომპეტენციები (ცოდნა და უნარები), კიდევ უფრო დახვეწონ და განავითარონ ისინი;
- გ) პროფესიული სტუდენტების ხელშეწყობას, რათა მათ შეძლონ პროფესიულ საგანმანათლებლო პროგრამაზე „სკოლამდელი აღზრდა“ მოდულების პრაქტიკული ნაწილის შედეგების დადასტურება;
- დ) პროფესიულ საგანმანათლებლო პროგრამაზე „სკოლამდელი აღზრდა“ პროფესიული განათლების მასწავლებლის ხელშეწყობას.

2.2. კოლეჯი უზრუნველყოფს:

- ა) პროფესიულ საგანმანათლებლო პროგრამაზე: „სკოლამდელი აღზრდა“ მოდულების პრაქტიკული ნაწილის შედეგების დადასტურების გრაფიკის წარდგენას, სასწავლო გეგმით გათვალისწინებული ვადის დადგომამდე არაუგვიანეს ორი კვირისა;
- ბ) პროფესიულ საგანმანათლებლო პროგრამაზე: „სკოლამდელი აღზრდა“ მოდულების პრაქტიკული ნაწილის შედეგების დადასტურების პერიოდში ხელმძღვანელის გამოყოფას კოლეჯის მხრიდან;
- გ) პროფესიულ საგანმანათლებლო პროგრამაზე: „სკოლამდელი აღზრდა“ ხელმძღვანელის - პროფესიული განათლების მასწავლებლის მივლენას კოლეჯიდან;
- დ) ორგანიზაციის შინაგანაწესის, დებულების და სხვა კანონქვემდებარე და ადმინისტრაციული სამართლებრივი აქტების დაცვას, რომელიც მიმართულია ამავე ორგანიზაციის გამართული ფუნქციონირების უზრუნველსაყოფად.

მუხლი 3. დამატებითი დებულებები

3. 1. მემორანდუმი ძალაში შედის ხელმოწერისთანავე.
3. 2. მემორანდუმი დადებულია უვადოდ;
- 3.3. მემორანდუმი შედგენილია ორ ეგზემპლარად, რომელთაც აქვთ თანაბარი იურიდიული ძალა და თითოეულ მხარესთან ინახება ერთი ეგზემპლარი;

სსიპ კოლეჯის „ფაზისი“ დირექტორი

ნინო ბაკურაძე



ნინო ბაკურაძე



- ქალაქ ფოთის მუნიციპალიტეტის მერია
- გოჩა კურდღელია